

Quando Faventini Petram de Mauro obsederunt.

CAP. CVI.

Anno MCXC primo [a] Faventini Petram de Mauro tandem acerrime obsederunt, donec, ad quam optaverant, pacem venire compellunt comitem Guidonem. Sed, pro nefas! [b] Faventinis domum reversis, et captivis quos habebant dimissis, unum solum quem comes habebat, spreto [c] sacramenti religione, nequaquam dimisit. Quare cives, quasi ludibrio dediti, vehementer in consules sunt accensi.

*Quando coronatus est dominus Henricus in imperatorem
et domina Constantia in imperatricem.*

CAP. CVII.

Item, anno MC nonagesimo i [a], exercitus domini Henrici magnus et terribilis, per v hebdomadas [b] resedit in comitatu Molise. In Resurrectione vero Domini coronatus est dominus Henricus in imperatorem, et domina Constantia a Romano Pontifice Caelestino [c]. In aestate autem Salernum, Capuam et fere totam subjugavit Apuleam [d]; asserens regnum Apuliae atque Siciliae per successionem ad suam pertinere uxorem, mortuo absque liberis rege Guilielmo. Sed barones de regno, eo prohibente, Tancredum in regem elegerunt [e]. Porro, cum civitatem Neapolim per plures, tempore festivo, obsedisset menses, infirmitate non parva exercitum inficiente, Salernitani proditores nequissimi imperatricem Constantiam [f], quae ibi morabatur, reclamantem et renitentem ad regem Tancredum Palermum per Margaritum piratam [g] miserunt.

Quando fuit maximum diluvium.

CAP. CVIII.

Anno Domini MCXCI fuit maximum diluvium aquarum in mense Junii, in plerisque partibus Italiae, et maxime in comitatu Faventino. Nam aquae Alamonis et Si-

[a] Anno MCXC primo, C. M.; MCXCI, C. V. — [b] pro nefas! C. V.; pro nefas, C. M. — [c] spreto. Sic lego. Spleta, C. M. — [d] Anno MC nonagesimo i, C. M.; anno MCLXXXI, C. V. — [e] per v hebdomadas, C. M.; per quinque hebdomadas, C. V. — [f] Pontifice Caelestino. Supple: III. — [g] subjugavit Apuleam. Sic Codd. hic. — [h] Imperatricem Constantiam. Sic lego. In C. V., Imperatricem C. — [i] Margaritum piratam. Sic Codd.; vulgo, Margaritone, apud Cl. Muratorium satis celebrem.

[A] Tancredus in regem fuit electus, juxta Muratorium, anno 1189.